



22091

III

Mag. St. Dr.

P

*issus Ant.*

*Bryskowski Joannis: Medela doloris*

PANEG. et VITAE

Polon. Fol.

*Nr. 1340.*



Biblioteka Jagiellońska



stdr0002401



MEDELA DOLORIS

ILLVSTRISSIMO AC MAGNIFICO DNO,

D. PAVLO

A M A G N A S T O K

STOKOWSKI,

CASTELLANO

OSVECIMENSI,

D V M

*Perillustri, & Magnifico Domino,*

BIBLIOTH. UNIV.



D. FRANCISCO ANTONIO  
STOKOWSKI

Filio suo Carissimo Maximam Spem, ac expectationem præferenti,

P A R E N T A R E T,

In Ecclesia S. CASIMIRI, FF: Minorum, Strictioris Observantiæ, Craconiæ;

*Prompto Obsequio,*

P O R R E C T A;

P E R

M. JOANNEM BRYSZKOWSKI, Philosophia, in Alma Vniuersitate Cracouiensi, Do-  
ctorem & Professore[m].

Anno Exorientis, inter Mortales Vitæ, M.DC. LXXII.

VI. Idus Maij.

C R A C O V I Æ,

Apud ALBERTVM GORECKI, S. R. M. Typographum.



ALLV213121MO 213121MO



Procopius fortis, Lumina trina tulit.  
En his Syderibus iam nunc umbrante peris.

En his Syderibus, iam nunc vmbracula ponit,  
Feralis Cloridæ, cum regit omne diuini

*Astra Serena tamen venient post nubila Patri*

Altra Serena tamen venient, post nubila Patri,  
Qui gravibus factis Sarmatico caelo nitens

Qui graubus factis Sarmatico orbe niteo.

Alexander de Malice, Malicki, Aud. Phil.

[illegible]





# ORATIO.

Infauſta Anni vertentis, Tibi veniſſe primordia, ille tantum ignorat, qui cauſas doloris non ſentit. ILLUSTRISſIME DOMINE, PATRONE COLENDISſIME. Quis enim infauſtum Ianuarij non dicat exordium, quod gemitus graues, lugubres nœnias, & funeſtis ſingultibus, permiſtas voces in primo adduxit ingreſſu. Inuſitata quædam & animos percellens iſta metamorphoſis eſt! dum Sol annorum Parens, circularẽ in puncto abſoluit coronam, & ecce ſubitò gradum ad diros planctus facit violentum; cum ab his, qui nouas noui Anni parabant gratulationes, & proſpera quæq; promptiſſimis votis precari intendebant, præter ſpem ad magnas complorationes, à lætiſſimi temporis applauſu, ad lachrymas, à fauſtis acclamationibus, ad dolores proceſſum eſt. Quàm ſubita hæc commutatio! quàm dira conuerſio! & quam triſtibus deploranda nœnijs; cum atrox Proſerpina florentem nuper, inter Nobiliſſimam pubem ACADEMICAM, non ætate minùs, quàm virtute ſublimioris ſcientiæ Candidatum, vnicum ſtirpis tuæ Phœnicem, diſcipulum mihi gratiſſimum funeſto exponit ſarcophago. Mœſtiſſimum proſectò Patrem, iure dixerim, qui poſt amiſſum annis ſuperioribus fratrem amantiſſimum, poſt ereptam terris, non ita pridem ſororem chariſſimam, cæteroſq; iam à Marte furente, iam à ſenecta premente, iam à fatiſ vrgentibus, curis mortalibus exemptos, recens geminæ orbitatiſ vulnus, in dilecta ſobole, Calendis Ianuarij, ſenſiſti: Hunc tantum tamq; repentinum, funeſti ſqualoriſ euentum, quotieſcunq; mecum ipſe reuoluo, & tam inopinatam Lunæ tuæ Eclipſim, ræcitè recogito, temperare mihi non poſſum, quin in voces exſurgam lamentabiles, & exclamem; O miſeram vitæ humanæ conditionem! ô incerta & lubrica mortalitatiſ curricula! ô fallaces ſpes noſtras! ô dieſ Ianuarij infeliceſ! ô fallentia vota! Siccine æquè Iueneſ ac ſeneſ quoſq; rapit duri inclementia fati! O fatum, quid ita frequenter in STOKOVIANAM ſæuiens Lunam, funeſtas ſerenanti induciſ vmbras? Nonnè anno exacto totum tuæ malignitatiſ in eiſ clima effudiſti furorem? adeòne tuuſ in Mœſtiſſimoſ Parenteſ graſſatur liuor, vt quæ ſibi cariſſima ſunt, illico eripiaſ, & Familiam ſuam ornamentis maximis, ſpoliare non vereariſ? Nimirum, dum maturoſ ſibi in pubeſcente luuentâ, tota Illuſtris Domuſ, certò pollicetur fructuſ, dum ſpeſ prægnanteſ, de ſua indole concipit fideliffima pubiſ Sarmaticæ educatrix ACADEMIA, dum benigna verè credentiũ Mater Eccleſia, & cariſſima Patria, auitæ pietatiſ exemplo, fidei Orthodoxæ, ac Religionis ſuæ, voce, & manu ſtrenuè olim propugnandæ expectant



stant zelum, dum Respubl: merita Patris, in Filio intendit abundantius coronare, dum vniuersi consanguinitate, amicitia, familiaritate, & officio coniuncti, vberissima solatiorum incrementa, intimis cum apprecationibus præstolantur, & ecce fit, vt spectent non sine lachrymis, tanti Iuuenis casum & occasum. Miram sanè factorum potentiam, sed & inclementiam sentimus, cum vel hodie primùm Laurus naturâ suâ incorruptibiles, Cedros immutabiles, Cupressis æquari, & sæuientis Libithinæ falci subesse discimus; cum illum Iuuenem, cui non longiorem modo vitam precabamur, sed & ominabamur, in ipso vernantis adolescentiæ flore, succisum mæsti intuemur. O quam Lugubris Catastrophe! quàm luctuosa Tragædia! Obijt siquidem Generosus Atauorum successor, obijt vnicus Phoenix, exemplar pietatis, Paternæ gloriæ hæres, amoris coniugalis pignus, cum summo Parentum, amicorum, & spectantium dolore. Clauduntur hoc tumulto, spes immensæ, non vnus fortunæ; huic saxo allisa, naturæ omina, Parentum vota, propinquorum desideria, Illustris & Generosæ Iuuentutis, studiosi affectus. Soluuntur (vt video) Lumina vestra, fletu Illustrissimi Parentes, atrox vulnus impressum cordibus vestris, doletis ob recessum filij, vmbri sepulchralibus destinati, non prohibent dolorem, amicorum oblectamenta, nec mærentia corda afflictis rebus patiuntur, vndecunq; adhiberi medelam; Ipsa hæc cinerum depositio, adeò triste facit spectaculum, vt oculi adstantium, sine villo incitamento, grassante mærore spontè lachrymentur. Ast cum tandem flebilibus lamentis, aliquis ponendus sit modus, vel ob ipsam factorum necessitatem, quibus nec Sacra, nec vota intercedunt, cum virtus & animus, nunquam sepulchris obruantur, permittes, vel inde inculto Oratori, in meritis tuis, & vita filij contemplanda hærenti, conceptum dolorem mitigare, & tantisper à falsis lachrymarum imbris viriliter temperabis. Certè tuus ille dolor, qui in hoc supremo honore, pijs manibus persoluendo cernitur, me in hoc lugubre euocauit theatrum, ac simul intus in discipulum, officiosus in Meccenatem persuasit affectus, vt pro virili aliquid verborum supremæ impenderem pietati. Excipes credo exiles conatus, illâ animi promptitudine, quâ serenus, fauensq; in affectus omnium cordaq; influis, & si oratio mea tanti operis ausus, non dignè fuerit affecuta, rei magnitudini potius, quàm meæ tenuitati condonabis.

Iustum equidem mouit Vobis dolorem Feralis Clotho, Parentes Illustrissimi, quando gratum oculis animisq; spectaculum, dilectam prolem illico rapiens, Vos ad vasta lachrymarum diluuiâ, pro eo fundenda cogit. Nec enim diffitemur demptum vobis cogitationum delictum, oculorum illecebram, ideòq; simul quibus aut necessitudo, aut gratitudo, pietasq; hoc ad feretrum diem dixit, adsumus luctum socij, sed ita adsumus, quotquot vsquam gaudiorum fuimus, vt tantæ orbitati relictos Parentes, quibus possumus modis liceat consolari: Non vsq; adeò omnem humanitatis sensum omnino amisimus, vt ad obitum tantæ sobolis lachrymas non inueniamus! Iungimus lēssos, sed non ita omnino, vt vllum hodie gaudij sensum animo

perci-



percipere piaculum sit; Næ ego ipse si calamitosæ, sorti legem dicere possem, mallem viuente iucundè spectare, quàm nunc inuitos ad hilaritatem animare. At immutabilis lex illa, immutabile decretum fati; Nam exos licet, excors, & exsanguis sit illa Dea, at per cruentas cædes libere bacchatur, cæca licet sit, at in imis visceribus abdita, clausaq; inuenit. Surda sit, venit tamen non vocata; Nuda sit, tamen exuuijs REGVM, Heroum, Ducumq; grauis & onusta redit. Iners & barbarâ, suæ tamen artes sapientissimos etiam supplantabunt; Pallida licet sit, nunquam tamen fortissima mundi pertimescet, sed æquo pede REGVM postes, & angusta pauperum limina pulsat, subruit, & euertit. Quod si tantam videmus Parcæ sæuitiem, vt flecti nescia, precibus exorari nolit, quid miramur, quid stupemus, quod florentibus etiam non pareat annis, & imbellis iuuentæ poplitibus insultet, cum tantò magis delicata, Magnorum Heroum germina, insatiabilis Diuæ prouocent orexim. Plenius ille lactæ torrens eloquentiæ, qui Principis in Orbe populi Historiam, pari eloquentiâ & fide contexit Liuius, Nummæ fuisse præceptum refert, vt Parentes filios decennio minores tot annis desceant, quot mensibus vixissent; Vos an diuturna decet mæstitia, qui meliore instructi conscientia, filium Vos scitis mortalem genuisse. Idem verò antiqui illi Sapientiæ Patres immortalis, mortalitatis nostræ adita, oculo penetrantes, dum hominem apparens sæculi phantasma, vel ludibrium fortunæ, temporis spoliū, vmbra tenuem, immo mortis opus, veritate stimulos extorquente aduerterunt, an non efficaciter ad ferendam mortis necessitatem, illustria Nomina hortabuntur? Hæc ipsa Altaria, lugubri colore tincta, tot exosas Principum Caluarias, Epicedia, picturas & Magnorum Heroum cineres monstrando, non magis prouocabunt lachrymas, quàm auocabunt; Magna hæc quidem & efficacia doloris concepti puto remedia, vel ipsius Catonis exemplo; *Nullam Maiorem Viri fortis posse esse virtutem inquentis, quàm mortis dolorisq; contemptum.* Sed Censorium illud veritatis assertum, tantò firmitus Catholico sensu, Magnus ille Ecclesiæ Militantis Cherub, & Doctorum Augustissimus, D. AVGVSTINVS, ad nostram recordationem stabilivit, & vt deiectos ad mærorem vultus placidè componamus hortatur, cum inquit; *Bono, probosq; Iuueni, non posse infelicem, post fata conditionem contingere.* Et merito sanè, nec enim viuere in humanis desijt, quem æternitatis fastis sublimata cælo virtus inseruit. Quis verò dubitabit demortuam sobolem tuam augustam, illam vitæ ædem ingressam, quàm rectè factorum conscientia, vitæ innocentia, naturæ bonitas, præstans animus, Paternæ pietatis exempla, ac summa indoles, in illa ætate commendauit; quomodo obiit! quem stupenda pietas, cælo propè intulit, vexitq; ad sidera. Ac vt absint funesti aliqui portitores, succolantia virtutum agmina præsto adsunt; Facem cæteris præferat eadem, quæ viuenti præluxit infantia. Hic verò cuius alterius implorem fidem, quàm vestram Parentes Illustrissimi, non ambigo; quanquam intimos animorum sensus prouocare, non est illius quæ mihi suppetat fiducia, si ta-



men vel modicâ recordatione, posthumum istud animi iudicium quæsiue-  
ro, iidem ubiq; de mortuo dolentium sensus, concordi affectu sublatam,  
querentur, quam in superstite amauerunt. Liquefcit animus ipsa recor-  
datione tantæ voluptatis, & subinde veretur, ne dum luctus auocare cu-  
pit, plures accumulet; Vix enim lucem hanc aspexit Infans Vester, & iam  
nitidissimâ innocentia vultuq;, ex quo miræ fluebant venustates Vestros  
oculos in sui admirationem rapiebat, vix molli nutricularum sinu auulsus,  
lentos gressus formare cepit, & iam omnium spes, de sua indole animabat,  
vix pusillos artus in tenero corpore componebat natura, & iam nobili è  
vite vinum nonnisi generosum sperandum esse, magnorum index facies in-  
dicabat. Quàm tunc pulcher, quàm amabilis visu Parentibus, quæ gra-  
tia in aspectu, non conijcio, nisi qualem viderat alibi Pòeta.

*Blandiloquus, nitidus, dulcis, pulcherrimus infans,*

*Deliciæ Matris, deliciæq; Patris.*

Porro emensis infantia annis, quisquis in eum oculos direxisset, vidisset  
indolem illam fronte serena, aspectu decoro venustam, incredibili seduli-  
tate in eo defixam, ne animum aliter exhiberet, quam haberet. Et sanè  
non in irritum abiêre vota, Nam cum primis per ætatem imbui licuit bo-  
narum artium rudimentis, iuvat meminisse, quo simul feruore deuotionis,  
quàm concitatissimâ voluntate conscientia, pietatis hauserit initia; qua  
demissione vestrae pietatis æmulus, ad Deiparae Virginis cultum prouocârit,  
quam celer & festinatus in luene virtutis cursus, quàm solers ubiq; ratio,  
ad occasionem & exercitium boni præcox, collectas in vnum dotes cupe-  
ret possidere. Vestrum hoc decus, & solatium singulare, quando beata  
æternitatis præferuidum competitorem, ad primæ ætatis crepundia, ita in-  
stituitis, vt his gradibus, idem virtutis, quod & ætatis principium habuerit.  
Nimirum vt ignis cinere coopertus quidquid admoueris subito corripit,  
ita natiua indoles, ad egregia quæq; futurorum contemplatione intenta  
citissimè incalcescit. Et hic sanè quam latus, lætusq; mihi aperitur cam-  
pus ad cæteras animi, fortunæq; dotes, in filio spectandas, vel sola tanti Pa-  
rentis meritorum contemplatione illecto, abundè intelligo; quas optimus  
quisq; beneuola propensione prensando laudaret, & omnis lingua quod di-  
cat, inueniret. Nolo ego hic Illustris Tuæ Prosapia continuata per an-  
nos plurimos decora celebrare, non contendo, Auitum Genus tuum, in  
Regno Nostro clarissimum, in Prouincijs omnibus domi, forisq; fide meri-  
tis, laboribus, obsequijs pro Bono publico susceptis, REGVM, ac Princi-  
pum reuerentiâ, in Ordinem vtrumq; tam Sacrum, quam profanum debitâ  
animi propensione, in ACADEMIAM beneuolentiâ commendatissimum  
orbî præsentare, ne cum Dædalo sublimia meditante, ipse mihi pondus  
sim & sarcina; Non commemoro, quæ olim Augustæ Familia, WIELO-  
POLSCIORVM, OPALINSIORVM, STADNICIORVM, PIENIASZCIO-  
RVM, SMIGIELSCIORVM, PORĘBSIORVM, aliæq; Sexcentæ Natiua  
Infi-



Insignia Domui Tuæ insculpta esse voluerint, eo scilicet euentu, vt in vtroq; fortunæ lusu clarius nitesceret. Non refero discipulum meum illius Parentis filium obiisse, qui virtutē, prudentiā, arte, Marte, consilio, authoritate, sapientia, zelo, pietate, constantia, Serenissimis olim Regibus VLADISLAO, CASIMIRO, & nunc Inuictissimo MICHAELI extitit mire charus, quanquam & hoc deriuatæ claritatis splendore ad suæ virtutis commendationem intererat, cuius ipsum nasci sortem mortalitatis excessit. Quid ita! Non semper creari fortes fortibus & bonis, protulit quispiam, quidni & immortalibus immortales. Fit enim plerumq; vt Paterno Marti, filiorum succedat segnities, subeatq; nonnunquam generosæ stirpi, inertix dulcedo, & inuisa maioribus desidia sapiat posteritati. Enim verò Generosæ Prolis Tuæ, quàm dispar fuerit ab illis Cecropidarum, Lentulorum, Cetegorum funestis nominibus, & Paternæ gloriæ voraginibus, sed in omnibus solers, in virtute constans, in pueritia maturus, in actionibus aggrediendis felix; satius est cogitare, quàm loqui. Illo niti voluit Natalium splendore, illā Nobilitatis prærogatiua clarescere, quæ omnium actionum Parens & veræ laudis stimulus, in infimis laudabilis, in Illustribus Viris magnifica, in Palatijs Regum & Aulis Principum habetur gloriosa illam sibi adsciuit qua melius fulsisset, quàm olim formosi Adonidæ Paridesq; quos indulgentior donis suis natura, ad infames Paphi scopulos condemnauit. Sed quorsum ego in his recensendis cōmoror? quid plura exaggero? quandoquidem boni Sanguinis claritatem, nulla, temporis diuturnitas, vel otiosa quies ita imminuit, vt assueta lucere, succedentem demum sobolem non illustret, mihi sufficiat bene humanioribus institutam, demortui Iuuenis indolem spectare, cui feliciter nasci, educariq; contigerat. Missus enim ad hanc Principem Regni Scholam, bonarum artium fontem, aut veriùs per Illustrissimum olim à Pieskowa Skála WIEŁOPOLSKI, Palatinum Cracouiensem, Auunculum suum, à Parentibus, (de quo optima quæq; prudenti cogitatione diuinabat) impetratus, quàm placidè domestica lenocinia perosus puluerem scholasticum intrauerit, & citò ad stupendam maturitatem adoleuerit, testes horum appello fidelissimos Præceptores. Summatum in hoc Iuene eluxit diligentia, indefessum discendi studium, sed & pura conscientia, vera probitatis æstimatio, insons vita, admiranda modestia, elegantia morumq; compositio tanta, qualem quæsiuere multi, pauci affecuti. Ipsum hoc Polonæ Eruditionis caput ALMA VNIVERSITAS Nostra, naturæ bonitatem toties spectauit, intra cuius penetralia totum ætatis cursum laudabiliter consumauit, & ibi robur iuuentæ sensit, vnde Licinius iuratus literarum hostis, pestem se suxisse iniquè crepabat. Hic verò quo ardore tandem rei Literariæ intentus, pietatis, modestiæ, & humanitatis tenuit exemplar, non est difficile recensere. Gemmâ quippè latentis verecundiæ consignatus, & in hac Literaria Palæstra pares operum collegas fortitus, æquis ingenij, & eloquij passibus contentiosâ æmulatione, cui primas concessit? cum quantum alij temporis.



Iulibus impenderent, tantum ille otium viui hominis sepulturam de-  
status voluit, ijs literis imbui, quæ tanquam fidissimæ vitæ suæ altrices,  
non ad superbam ostentationem, sed ad virtutum omnium imitationem per-  
utiles Paternæ gloriæ robur solidarent. Hac ille via, hoc virtutis calle No-  
minis claritatem augere studuit, eò huc remis velisque contendit, dum  
in te suadam, Tonsum, Mineruam, Graduum miratur, dum te animo pruden-  
tem, consilio promptum, iudicio summum, ore disertum ubiq; audit, & in  
acie Martem, in senatu oraculum toga sagoq; clarum intuetur. Ad hæc ir-  
ritamenta velut stimulis quibusdam incitatus, gloriæ honoriq; tuo assurgit,  
& velut genuina Martis soboles, masculæ virtutis spiritum, ad Bellonæ tyro-  
cinia sub signis Palladis concipit vehementer. Ita nimirum natiua indo-  
les crescentis Iuli inter Anchisem Æneamq; suum, pectus illud angustum  
licet, ad similia cum tempore audenda erigebat, magnum aliquando Reip.  
subsidium futura, nisi (quod sine dolore commemorare non possum) ini-  
mica magnis mentibus valetudo inflammatum ardorem restrinxisset, &  
Martium illud pectus continuis morbis expugnasset. At fœuiat licet ma-  
gnus liuor in corpus illud, quod ipsa nascendi hora ad ruinam destinauerat,  
intercipiat Parentum vota, & fatigare non cesset, quidquid ex male conueni-  
enti elementorum tempore, non benè coaluit, animus tamen ille magno-  
rum semper conscius & augur, nunquam deferuuit.

Vidit hæc (cuius imperium non sine manifesto Numinis fauore Orbi  
Polono contigisse fatemur) vidit inquam centuriatis illis, suæ Inaugurati-  
onis Comitij in luene nostro, generosæ mentis argumenta, ideoq; magna-  
rum rerum capacem adolescentiam, inter intimos Aulæ suæ Cubiculares  
cooptari voluit, nisi adhuc ad ciuilem sapientiam, ad leges prudentiæ, Eth-  
icis Politicis & Historicis præceptis, ac peregrini moris & oris elegantia  
ad vitæ Magisteria capienda, instituendam, benecupientes, sibi persuasis-  
sent; vt ab exteris reducem, Aula Serenissimi tantò paratiorem exciperet, Princi-  
pum oculis, rara obsequij dexteritate certaturum exhiberet, & sic nouus  
ad Aras Annibal vsu serenitatis à prætexta ad sagum adolueret. Sed  
cum hæc refero, quid aliud volo? quam acceptum ex obitu filij vulnus in  
animis vestris renouare, & contra fata, quæ tantam solationum messem in-  
uiderunt, iustam Nemese[m] prouocare. Verùm neque hic illachrymari de-  
cet, Parens mæstissime, si cogitaueris, quod factis ipse magnus, gloriæ tuæ  
hæredem cælo transmisisti. Neque enim futura ætas depredicare cessabit,  
tuorum gloriam meritorum, quanta tu olim diligentia, fide & amore, qua  
promptitudine, quo affectu, sumptibus, impensis, & apparatu, quàm nu-  
merosis Cohortibus, à tot annis Reipub. gratificari studuisti, qua fortitu-  
dine, vna cum Germanis Fratribus ad Ostropoliam, ipse sanguinem fundens  
telis hostium factas cicatrices sustinuisti, quàm generosè stratos in acie ca-  
daverum acervos calcasti, quo robore ferocem fæderisq; nescium Scytham  
rebellem Casacum, & immanem Moschum fudisti, qua virtute Vexilifer ad-  
huc Zatorien: Serenissimo CASIMIRO periculorum Comes, Sueticos im-  
petus



petus, Regiæ huic impendentes, in tanto Patriæ discrimine sustinuisse, quâ dexteritate in illo Ciuiliū armorum concursu è voto Palatinatus Cra-  
couiensis non Colonelli modò sed & optimi Ducis partes impleuisti, vt  
merito dicere possim cum Poeta:

*Et pacem Bellona tibi dispensat & arma.*

Certè vigebit hæc virtus tua labentibus sæculis, & æqua recordatio-  
ne, viuentes è præsentī, & posteros è futuro, trahens in obligationem suā,  
immortalitatis architecta famæ immensitatem, nullis ætatum cancellis ter-  
minabit. Ast quo feror abreptus contemplatione Nominis tui, vltra mu-  
neris mei fines euagatus? redeo igitur, & vt amplius supremæ pietati pa-  
rentare possim, filij occasum pedissequa comitor dictione. Nam cum,  
institutioni suæ intentus essem, iniurius in Parentem & ingratus in Discipu-  
lum viderer si palpatam nuper pietatem, & cæteras naturæ dotes reticerem.  
Debet illi nostra gratitudo laudem, commendationem merita deposcunt,  
nec inuidia timenda est, quam suo candore vicerat, nec suspicio adulationis  
spectanda, cum desiêrit, esse inter viuos. Et quid in Iuene nostro  
desiderari potuit à quoquam? quod suæ indoli defuisset? an Præceptorum  
obseruantia, an modestiæ ac humanitatis officium? an illimis candor, pudici-  
tia, affabilitas & cætera perfectæ virtutis ornamenta? quæ illum efficacius  
sola pulchritudine gustuq; laudis, quàm olim Theopompum calcar & stimu-  
lus ad sui amorem pellexerant. Nam si disciplinæ tanta vis sibi à Præce-  
ptoribus proponebatur, virtutis donum, vt vincat malitiā, voluptatem  
iugulet, cæcitatem illustret, ceruicem inflectat duram, & linguam frenet;  
hanc ille summo labore, conatu, studio ac diligentia comparauit. Si ve-  
recundia decus iuuentutis, nuncia bonæ spei, vitæ famæq; custos, virtutis  
sedes? hanc ille vnicè coluit, adamauit. Si modestia, honesti Parentis,  
Magistra prudentiæ, probitatis exemplar, pudoris nidulus, prohibens omne  
malum? hanc ille nunquam indeuium errorem præceps, constantissime ob-  
seruauit. Si continentia mentis illibatæ gemma, si sobrietas castitatis ma-  
ter, humilitatis apex, vitiorum frenum, amicitæ pacisq; serua? fuit hæc Iu-  
ueni nostro penitus congenita. Cætera virtutum semina, vel tanquam vi-  
tæ suæ decora in compendium collegerat, vel tanquam gloriæ incremen-  
ta, ad perfectionis exempla sedulò adiunxerat. Paucis dicam, tantum erat  
in illa ætate perfectionis studium, vt quæ nos aliquando sponte quarimus  
lenocinia, & tenaciter vtilium incuriosi complectimur, virile pectus in-  
obsequium sibi reduceret. Pulchra sibi visa est Nobilitatis prærogatiua,  
sed sine fastu & supercilio; opportuna grauitas, sed sine contemptu, vtilis  
diuitiæ, sed ad egenorum necessitates subleuandas, non luxum; optanda  
sanitas, sed ad sui Creatoris cultum, concupitæ vires, sed non ad tumidos  
Gigantum ausus moliendos, forma demum, quæ sibi naturæ velut opes  
suas explicantis dono contigerat; generosissimè ad muliebres animos rele-  
gata; & cum Pelleo iuene repudiatum hoc fragile bonum, quod ipsa tem-  
porum vicissitudo lentè depascitur, consumitq; Solet plerumq; Cine-



uitabilis enim hic scorpulus est) Iuuenilis animus, si præsertim fortunæ generisq; amplitudo suppetat, altos gerere spiritus; inflari, gaudere iactantia, & per inania vanaq; vento leuitatis abripi, cum vel maximè callidi sursurrones blanda Sirenium propinando venena, incautos deliniunt illicito sermone, & Magnorum Heroum filios dura seruitute, cuius semitæ difficiles spinis vepribusq; confitæ, non esse cruciandos dolosè blaterant, & exinde honestatis naufragium subire compellunt. Apage hinc, proculq; sint versuti, Chameleontes, procul radix malorum, cæcitatibus abyssi, arrogantia, procul illud subtile malum, contentionis stimulus, virtutum deprædatrix, honesti nouerca tinea pietatis, doli artifex mentis elatio. Nouerat siquidem eximius pietatis cultor, nullas voluptates nisi cælestes, nulla illicia, nisi cælitus instillata Diuinæ probari Maiestati. Et hinc ego sedulam precum assiduitatem, Authoris sui cultum, pietatis in Diuos & proximum, pietatem illam, quam extremo nunc loco repeto, quid arctam in continuo morborum conflictu, medicis & præceptoribus inuitis, ieiuniorum obseruantiam, tacite prætereo. Ducebantur ab eo dies, non ludicris & diffluentibus illecebris, sed bonorum exercitio & malorum tolerantia, indoles illa formabatur, Non commemoro conscientie puritatem, quam ut nullis naui aspersam haberet, frequenti confessione sæpius expiabat, Pane Angelico muniebat, & ne antiqui hostis insultu, benè instructa probitas infirmari posset, cautissimam custodiam excubabat, semper actionum suarum ludicem Deum cogitabat, & maximam sceleratorum carnificem, potentiorum mille testibus testem illius arbitrio subijci volebat, semper V. B. & Tutelaris sui patrociniū implorabat. Illam tamen non minus stupendam quam imitandam, in Augustissimam cælorum Imperatricem, fidem, pietatem, & vitæ temporalis contemptum silentio præterire nec possum nec debeo. Susceperas non ita pridem in medijs rigentis Brumæ algoribus, è voto iter ad Diuæ Virginis Neostudanensis ædem, illam cælestis, hoc sæculo, fauoris in Poloniam arcem, communeq; afflictorum receptaculum, & dum vota exsoluere paras, fit comes promptus inobsequium, tantæ Parentis Cliens, & velut alter Vlisses ad fumum Ithacæ anhelat tot fluctibus, procellis & tempestatibus ægreditudinum agitato, currit ocyus, accelerat gradum, candidata cælorum anima, breui supernæ ciuitatis conciuis futura; & dum illud bonæ spei promontorium attingit procumbit ad maternæ pietatis viscera, in vultus suos, & ecce dum orat Mare illud gratiarum, ut quassatæ salutis asyllum habeat & medelam, subit animum stupor, quàm constans animus & pietas in Deiparam exarserit, quàm subito dulcedine mariani splendoris illectus, terrena fastidire, & his carceribus vinculisq; corporis ocyus liberari postularit. Rogat vitam ad aras suæ Matris, quæ omnes victimas ademit Esculapio, & impetrat è voto, sed vitam illam, quæ liberat molestijs, soluit difficultatibus, varietate casuum & scopulis ærumnarum, impetrat salutem, quæ nec morbis subuerti nec ægitudine concuti, conuelliq; possit, vitam immortalem & beatam. Nam sola beatos.

*Hec*



*Hæc facit, & dire non timet arma necis.*

Scilicet dum ex suscepto itinere redux quod plus pedibus quam effeda-  
vectus confecit, hanc urbem attingit, & ex viarum incommodis solito gr-  
uioribus morbis veluti migrationis suæ nuncijs agitatus sese ad quietem  
componit destinata cælis anima diu terram ferre non sustinens Idibus I-  
nuarij sexta noctis horâ in oculis Parentum dicam ne recessit, an ad æte-  
nitatem euolauit. O miram Diuinæ prouidentix rationem, dùm Parent-  
Illustrissimi temporalis vitæ quæritis subsidia tam studiosè, candidata in-  
mortalitatis anima tacito cum Maria pacto imperat æternam. Hoccir-  
egisti o felix anima? Vt vitam ad desideria Parentum deposcens mori in-  
lucro computares, Bene est, Parens maestissime, abunde est, oportebat ta-  
enixis precibus prolis tuæ, tam mitem affuisse Patronam. Quis iam im-  
mortalem negabit animam tanto suffultam Patrocinio? & quis felicius mo-  
ritur, quam qui vixit altrici suæ, Bene est, abunde est, mori illa quem  
quam non sustinet quæ desuper maternitatis obtinuit Priuilegium, vt mo-  
non possit qui sit suus. Felicem filium cui hoc salutare illuxit Sydus, no-  
errabis, qui ad æternitatis Capitolium itineris tui prodromam hanc & di-  
rectricem habes cynosuram. Felicem tibi Deo & Mariâ Duce gratulamur  
cursum, euitasti Charybdes Syrtesq; qui ducente hac Polari Stella, fortu-  
natas Insulas littusq; beatæ Vitæ tutò attigisti: En quam potens pietatis mi-  
nus, vt non possit animas si quæ cælo maturauerint profanis diu permittere  
terris, sed aurora in hesperum mutata radiantem ignem cum suo lumine in-  
sublimes emittat orbes. Itaq; deponamus mærorem, & in tanti iuuenis oc-  
casu glorioso cineri apparentissimæ humationis obsequio non luctu squalid-  
parentare, religionē ducamus. Non putemus obiisse eum, qui ita vixerat.  
vt constet mortem ei votum fuisse non pœnam. Absterge lachrymas Pa-  
rens amantissime, quod petatum è cælis Sydus matutinos præ gaudio relin-  
quens ortus occidit tempori vt oriretur æternitati, id est nouæ quæ ne-  
ctem ignorat diei. Maiorem induit lucem Sydus vestrum, cum ei clara  
præluxit Pharos. Obijt diem suum in terris, sed in illa vita quam horre-  
auernus, nescit Epicurus, quæ affluit delicijs, expers est calamitatis, viue  
gloriosus. Obijt vnicus Phœnix vester, sed illico fragrantium virtutum  
strue conflabit. It Phœnix ad solem suum, sed Pallida erubescet Par-  
quando succisus ille flos dabit odorem suauitatis, & è castis ossibus ibunt  
vernantes florum deliciae. Desiste & tu Mater Charissima pudicos thal-  
mi partus deplorare, quia cælum recepit incorruptum sat felici ratione  
quod tu corruptum genueras. It pulvis in puluerem, sed spiritus immorta-  
lis capit immortalitatem. Desistamus nos omnes quicumq; parui ciner-  
spolio damnum hoc quod nec fletibus, nec arte nec ingenio compensatu-  
spectamus, Parentum corda sauciare, desistamus cuncti qui huic obsequi-  
parentamus optimi Patris in filio calamitatem deplorare, supremi Num-  
nis voluntatem queri, obstringere, Tempus enim quod vitæ proborum  
Fata subtrahunt, adiiciunt ad gloriam immortalem. Dixi.



BIBLIOTH. UNIV.



VINDOBONENSIS

2.XIX.42.







